

Bi Moq Daengz Angqvauvau

新年到 喜洋洋

□ Suh Dazcin / 苏达进

Seizgan gvaqbae vaiq lumj naq,
Gyoengqvunz coh naj yamq mbouj dingz,
Aendangj fueng 'yiengq vix ndaej mingz,
Cingz dangj minz lumj bya caeuq raemx.

Dangj raeuz ciuhai Ngeihcib Daih,
Vih raeuz daihlaeng veh lamzdoz,
Daengx guek lwgminz riuhooh,
Diuqfoux ciengq go angq dahraix.

Doengh gij cingsaenz Ngeihcib Daih,
Cienz doh seiqgyaiq gyoengqvunz vuen,
Caezcaemh doxgap mbouj yungh dwen,
Gomak ndaw suen daeuj guh hoengh.

Guek wng ceng daeuj caez hozcoz,
Lajmbanj bouxcoz bouxgeq angq,
Ndae baengh Cunghgoz Gungcanjdangj,
Diuz roen siujgangh gvangq youh bingz.

Caez hoenx binghraq mbouj ceng goeng,
Daengx guek gaijfung caez buekguh,
Saenqhwngh lajmbanj mbouj gangjboq,
Caezcaemh cauhoq guek fukhwng.

2023 nienz daeuj daengz,
Gwnz ndoi duzgaeng duzduz angq,
Roegciu eu ndaej sim engq sangj,
Lumj gaeq ndaej langh ok aenloengz.

Gak cug beixnuengx comz doxangq,
Cungj danq aen dangj vih lwgminz,
Daihgya doxgiet caez yamqdin,
Bya haij daeuj lanz mbin bongh gvaq.

Vihliux saedyienh yendaiva,
Gyoengqraez daihgya caez haenqguh,

Mbouj lau baihnaj gij haemzhoj,
Dingh dawz guekcoj bienq fouqgiengz.

Byaij roen aen aek enjeng 'eng,
Daengx guek roengzrengz bae cauhoq,
Mbouj lau lae hanh mbouj gangjboq,
Dingh aeu guekcoj cienz fukhwng.

Haenqguh faexdiet hix hai va,
Duh raeuz guekgya dingh hwnghoengh,
Neix dwg gwnzmbwn daeuj bangcoengh,
Gyoengqraez beixnuengx miz saenqsim.

Mbwn lok hawj raeuz seizgei ndei,
Gyoengqvunz aeu meiz(miz) saenqsim guh,
Roengzsim doenghfwngz mbouj lau uq,
Bungz deng haemzhoj hix mbouj saenz.

Ngeihcib Daih dangj vix roenloh,
Cungj dwg cienzdoh ndaw lajbiengz,
Gujli daengx guek gij hauxseng,
Mbeifag roengzrengz bae cauhoq.

Giyez haenqrengz bae fazcanj,
Gyoengqvunz danqhaenh yawj ndaej gyae,
Bouxbox doengzcaez ceng guh ndei,
Gaemhdawz seizgei youh cauhoq.

Deihfueng mbeifag caez haenq roemx,
Mbouj lau raemx laeg caeuq ndoi sang,
Lwngyez gag hai aen godangz,
Bouxlaux daeuj nyangz sim hix angq.

Nyez ndaej bangcoengh rox bauqdap,
Iu doih doxgap caez damqra,
Cikcaenh cihsiz riuhaaha,
Biet gen biet ga vih guekcoj.

Bouxlaux miz ndat daeuj ciuqrongh,
Caenhsim bangcoengh gij lwglan,
Caezsim gaijgez gij gunnanz,
Doenghboux ndangcanz eiqceiq maenh.

Dangj raeuz bangcoengh mbouj
cuengqsoeng,
Bouxcoz guhhong maqmuengh daih,
Roengzrengz cau ngaenz mbouj
doeknaiq,
Caensim gyo 'mbaij aen dangj raeuz.


Hawciengz youh caiq ndaej hwnghoengh,
Dajgai mbouj hoengq nyaengq dangqmaz,
Hix miz boux daeuj guh damqcaz,
Guh baenz dauqma caez maeuzveh.

Ganbu mbeifag guh gij saeh,
Caensim saed 'eiq ngeixloekloek,
Guh ndei bya heu raemx hix loeg,
Dawz gij saehcingz doek engq saed.

Canghyw ndi lau gij yungyiengj,
Ndek bae cabniemh haenqguh hong,
Yw ndaej bouxbingh aen sim soeng,
Lai guh song bi cungj sim nyienh.

Gaenx hengzguh "song aen dapan",
Guh vunz mbouj dam haenqrengz guh,
Caenhsim vih minz vih guekcoj,
Caiq lai haemzhoj hix mbouj lau.

Yamq haeuj 2023 nienz,
Aen dangj vih raeuz cien fanh daih,
Lwgminz lumj dwg bya roengz haij,
Caezcaemh angq ndaej byaij coh naj.



38. Yiengh de lumj gyu diengz,
Aeu bak siengz ndi ndaej,
Boux guh naz guh reih,
Miz de ndaej demsou.

(Vafeiz)

39. Cam:
Lajmbwn miz duz maz,
Lwgda youq najbyak?
Duz gijmaz lai ak,
Ndaw bak gamz diuzgaeu?

Hoiz:
Duzvaiz dem duzcwz,
Lwgda you najbyak.
Dwg duzmax haeb sieg,
Ndaw bak gamz diuzgaeu.

40. Cam:
Mwngz naeuz duz gijmaz,
Bae byaibya doek foed?
Duz gijmaz daeh moeg,
Bae ndoeng laep caux rongz.

Vah Duenz

谜语

□ Soucomz Cingjleix Veiz Daz

Hoiz:
Duzruemh dem duza,
Bae byaibya doek foed.
Duznou dem duzhaet,
Bae ndoeng laep caux rongz.

41. Cam:
Mwngz naeuz duz gijmaz,
Bae byaibya gangj Hauq?
Youh duz maz doengz sauh,
Bae gwnz byauh gangj Gun?

Hoiz:
Duznyaen caez doxdaz,
Bae byaibya gangj Hauq.
Roeglaej dem ciumauh,
Bae gwnz byauh gangj Gun.

42. Cam:
Gwnz bya cien yiengh gaeu,
Gaeu maz mbouj miz byak?
Lajmbwn cien boux hak,
Hak maz mbouj ninz swiz?

Hoiz:
Gwnz bya cien yiengh gaeu,
Bwngyaeuj mbouj miz byak.
Lajmbwn cien boux hak,
Naezyou mbouj ninz swiz.

(4)

